

Намозда саф қоидалари



19:00 / 05.12.2021 5143

هُجُلَا ىلَّصِ هَلَلَا لُؤَسَرَا اَنَرَمَا : لَاقُ هُنَّ هَلَلَا يَضَرَّ بُدُنُجِ نَبَّ هَرْمَسُ نَّ ع
يُذِمُّرَّتْ لَاهَاوَرَا . اَنُدَحَّا اَنَّمَّ مَدَّقَتِي نَأَّ هَثَالَتَا اَنُكَ اِذَا مَلَّسَوْ هَيَلَعُ

Самура ибн Жундуб розияллоху анхудан ривоят қилинади:

«Расулulloх соллаллоху алайҳи васаллам уч киши бўлсак, биримизнинг олдинга ўтишини амр қилдилар».

Термизий ривоят қилган.

Шарҳ: Демак, имомга иқтидо қилувчилар сони икки кишидан иборат бўлса ёки иккитадан ортиқ бўлса, имомнинг орқасида турадилар.

يَفَمَلَّسَوْ هَيَلَعُ هَلَلَا ىلَّصُ يَبَّنَلَا ىلَّصُ : لَاقُ هُنَّ هَلَلَا يَضَرَّ سَنَّا نَّ ع
هُجُلَا لَاهَاوَرَا . اَنُدَحَّا مَلَّسُ مَأُوْ هَفَلَّحُ مَيَّتِي وَتَمَّقُفِ مَلَّسُ مَأْتِي

Анас розияллоҳу анҳудан ривоят қилинади:

«Набий соллаллоҳу алайҳи васаллам Умму Сулаймнинг уйида намоз ўқидилар. Мен ва бир етим бола у зотнинг орқаларида турдик. Умму Сулайм эса бизнинг орқамизда турди».

Тўртовлари ривоят қилганлар.

Шарҳ: Умму Сулайм ҳазрати Анас розияллоҳу анҳунинг оналаридир. Етим бола эса Пайғамбаримиз соллаллоҳу алайҳи васалламнинг озод қилган қуллари Абу Зумайранинг ўғли бўлган.

Ушбу ривоятдан имомнинг ортидан эркаклар, эркаклар ортидан аёллар саф тортиши лозимлиги маълум бўлади.

نَعْنُوهُ لَعَجَجَ فِى مُنْمَنٍ أَرْمَ أَوْ مَسَّوْهُ لَعَلَّ لَيْلٍ لَّوَسَّرَ نَأْنُوهُ
دُوَادُ وَبَأُوْمَلْسُمُ هَآوَرِ، كَلَدَفْلَحَ أَرْمَلِ أَوْ وَنِيْمِي

Яна ўша кишидан ривоят қилинади:

«Расулуллоҳ соллаллоҳу алайҳи васаллам унга ва улардан бир аёлга имомлик қилдилар. Бас, уни ўнг томонларига, аёлни эса орқаларига қўйдилар».

Муслим ва Абу Довуд ривоят қилганлар.

Шарҳ: Демак, иқтидо қилувчилар бир эркак, бир аёлдан иборат бўлса, эркак киши имомнинг ўнг томонида, аёл киши эса орқароқда, имомнинг тўғрисида туради.

«Ҳадис ва ҳаёт» китоби асосида тайёрланди